


閒情憮題辭

閒情憮與鴛鴦譜同一義作者謂  
閒此情使之知所檢寧若作閒字  
閒則澹澹則還情於情人人可從  
蘼仙到碧落飛行處矣神奇變化  
通身是寶皆置無用只有一閒是

無情至寶也。所云奇人不能遇其  
奇。乃爲真奇。其得閒之義者歟。

閔景賢識



快書卷二十一

練江閔景賢士行篋

西湖何偉然仙臞訂

閒情十二懶

蘇文昌元本

懶仙

夫。世。外。奇。緣。非。絕。奇。人。不。遇。也。奇。人。猶。或。不。遇。  
矣。惟。奇。人。不。能。遇。其。奇。乃。爲。真。奇。緣。絕。世。堪。傾。  
倒。耳。桂。樹。幽。幽。毛。衣。自。綠。花。源。半。笑。暎。帶。桃。腮。

月滿仙壇彩鸞乘而飄舉風清藍水玄霜盡而不歸此絕奇緣塵士何以堪此問之蘇郎當在碧落飛行處乎

懽達

夫禪中之事業庸人領之窘如囚拘達士鞞然以爲青眉之內遠山之前皆神奇所變化也非通身是寶不足與於斯奇之絕者其東方生乎長劍割肉一何勇也朶細君願又何甘也吐故

納新妙如弄丸又何快也若老彭之形贅奉倩之神傷皆未達趣安知其旨故曰至情無情者其東方生乎

懽奇

夫怒松生寒於半天驚峰拔舞於遼迥男兒之奇若旱矣獨不見曲欄疎竹玉韻瀟空半水龍泉虹光飄斗乎此又奇之奇矣古來女流奇俠如政姐韓娥奇識如阮新李姊奇趣如紅拂柳

姬奇骨如紅線輩。皆是奔天震地。鬪月驚雷。世界未落。雙眼長青。目以女流不可就。目以勇流亦不可直。是床頭捉刀。奇流無二。嗚呼。盡令世間逐塵漢。吐舌歎矣。

撫俊

人言俊不傷道。夫黃埃易老。白日睡眠。秋色伊人。久在水中。但患不俊耳。何傷道之有。琴心三弄。引度凌雲。紅拂一枝。臨風舞怪。自爾神俊。翻飛難禁。目空千古。此時縱大聖人。大菩薩。大阿羅漢。止有眉宇作聲。微微快笑。何敢一吐舌。其傷乎。是爲真俊。可喜也。

撫才

文章之事。寸心千舌。倘慧業不具。且亦徒然。豈意得於修職。長腕間哉。嬌霞解語。掩暎秋水之神。落筆生波。澹蕩春山之黛。旣已含毫發付。自笑東風矣。千載而下。猶令人顧慕徘徊。不能已。

已。况夫把臂露初之會。同歡星晚之前者。其情  
景當何如哉。倘爾不信。疎暉斜倚。悠影憐人。半  
笑風前。獨無聊賴。試想流水一葉。胡笳數拍。謝  
家雪清。錦字月明。怎容爾不一叫一眉清矣。

撫色

以貌取人。失之子羽。神物奇醜。何必爲容。然出  
塵遠體。總係仙才。好德如好色。非慧男子不至。  
是馬卿之病渴。陶令之閒情。豈欺我哉。洛妃乘

霧江浦。珮明遇。猶不可得。况可得而不好也。

撫飲韻

宇宙之間。凡物皆有韻。况閨房之秀乎。雖然韻  
固難也。飲韻自難。張京兆之飲。飲於眉者也。楊  
毫暉之飲。飲於聲者也。虬髯客之飲。飲於髮者  
也。張君瑞之飲。飲於琴者也。留仙臺之飲。飲於  
裙者也。司馬長卿之飲。飲於詩文臉際者也。飲  
如數子。始爲知趣。爲當行家矣。傷肉爲歡。憨憨

無味此俗觀也。

撫憐賞

夫同調相憐。滄洲不遠。况夫明月共分。不勞千里者。而無可憐哉。玉淨花明。妍無停趣。憐賞者。何一而足焉。歡則千花聳笑。其神媚也。悶則蛾眉積雪。其神秋也。舞則明霞水拂。其神俊也。流連歌詠。則環珮天風。其神遠也。陽臺片雨。儘足澆醒湘水。一泓總傳佳思。小中見大。自是至理。

非戲論也。古來如竹皇之憐舞。楚霸之憐悲。玄機之憐夜。李郎之憐駿。謝公之憐絮。中郎之憐絃。皆真可憐。而真善憐也。快絕千古矣。

撫快境

夫明月流杵。名花醉露。神有悅暢。何得莽然。豈可以解語花月。不煩標位哉。故德耀宣姜。宜置之泉石。助其幽也。虞英源女。應置之洞天。飄其爽也。大家逸調。頓之牙厨。謝韞高談。遲之錦帳。

舞淨碗於風前。弄玉卮於霞上。位置旣佳。神韻自絕。何得尋常閨閣間哉。

### 無惜別

快心相晤。千古一夕。何堪言別。然別固不免也。惟有別而佳情吐矣。俊膽傾矣。紅淚落而碧空悲矣。離恨搖而晴霞變矣。白雲在天。山陵悠而自出。王孫青草。漳河絃而曉飛。辛清婉切。怨滿上流。素臆回文。玉關反駿。雖是絕興。翻爲千古。

快興何可少哉。

### 無風流

古謂人倫之至者。不風流不至也。瀟湘竹淚。風流之魁矣。輾轉琴瑟。風流之最矣。犢鼻共條。風流之聖也。飛星排闥。風流之神也。馬飽姬來。風流之快也。何時何處。不足風流者。特恨無真風流耳。榻畔喜天女之禪碧紗。熟江南之夢銀瓶。汲水解渴。文園清露。作花暢懷。玄度風流。豈異



價乎。雖然。必真具風流識。風流骨。風流才者。乃足當之。非是者。寧枯坐學太常。勿憎俗趣可也。

無佐侍

夫。世外。媽姿。類有。競爽。巫湘。標映。蔚而成奇。安可。令芙蓉。一枝。秋江。自冷。哉。細題。隨侍。亦各有宜。品清者。宜倩。婢晚霞。之擁。新月也。品幽者。宜鬆。婢輕風。之吹。奇韻也。品麗者。宜淡。婢海棠。之玉簪也。品遠者。宜逸。婢蓮花。之荷葉也。品嚴者。

宜快。婢松栢。之春風也。品濃者。宜疎。婢艷夏。之薌澤也。品俏者。宜通。秀婢秋雲。之菊韻也。荀香何粉。迭笑。蘭堂。暮雨。朝陽。映人。淡適。亦一快也。



國家圖書館, NATIONAL CENTRAL LIBRARY, TAIWAN, R.O.C.

